

. O Club Deportivo Bicicletas Chinquena Racing Team organiza, co patrocinio do Concello de Verín, a segunda edición do Trofeo Federación DHI Cabreiroá. Máis de 200 riders daranse cita os días 27 e 28 de abril no monte Montemaior en Cabreiroá, poñendo a proba as súas habilidades e servindo de escaparate para o que por moitos xa é considerado un dos mellores circuitos de España. Devandito evento conta tamén co apoio da Real Federación Española de Ciclismo, Federación Galega de Ciclismo e Xunta de Galicia.

O evento foi presentado esta mañá por Manuel Sanmamed, membro da directiva do Club Deportivo Bicicletas Chinquena Racing e responsable de Seguridade do circuito; e contou coa presenza de Diego Lourenzo, tenente de alcalde e concelleiro da área de Deportes; Julio Viéitez, concelleiro de Servizos Públicos; e Manuel Pérez, delegado provincial de Deportes da Xunta de Galicia.

«En nome do Concello de Verín», salientou Diego Lourenzo, «quero expresar o meu máis sincero agradecemento aos organizadores desta proba que, coa súa dedicación e esforzo, fixeron posible un evento deportivo de primeiro nivel que enriquece a nosa comunidade e promove un estilo de vida saudable». Na súa intervención, o concelleiro de Deportes quixo destacar especialmente o valor da internacionalización desta competición «que pon a Verín no mapa, posicionándoo como un destino de referencia para eventos deportivos de alto nivel».

A competición, a única en España que ten carácter internacional na súa categoría (UCI-C2), está rexida pola normativa nacional e disputarase os días 27 e 28 de abril no circuito de descenso de Cabreiroá, que ten unha lonxitude de 1,78 km e un desnivel de 340 metros. Cabe destacar tamén que esta proba é a única do calendario nacional que outorga puntos para a Copa do Mundo. «Este carácter internacional da mesma atraerá a Vila do Tamega corredores de todas as partes do mundo», salientaron desde a organización.

Para participar é necesario contar coa licenza federativa de competición, e o prazo de inscrición (40 euros) estará aberto ata mañá 23 de abril a través da plataforma web da Federación Galega de Ciclismo. As categorías da proba son: Elite UCI, Sub 23, Junior, Cadete, Infantil, Master 30, 40, 50 e 60, tanto para homes como para mulleres.

Máis información e detalles do recorrido do circuíto e das normas de seguridade, entre outros aspectos, están dispoñibles na web da Federación Galega de Ciclismo.

PROGRAMA

Venres, 26 de abril

15:00 - 19:00 h: Revisión a pé do circuíto

Grupo A : Junior, Sub 23 e Elite Masculino .□□□□□□□□ Grupo B: Resto de categorías

Group A : Junior, Sub 23 and Men Elite .□□□□ Group B: Other categories.

Sábado, 27 de abril

- 8:00 - 14:15 h: Retirada de dorsais
- 9:00 - 11:00 h: Entrenos oficiais grupo B/
- 11:15 - 13:15 h: Entrenos oficiais grupo A
- 15:15 - 17:15 h: Entrenos oficiais grupo B
- 17:15 - 19:15 h: Entrenos oficiais grupo A Domingo

Domingo, 28 de abril

- 07:30 a 8:30 h: Entrenos oficiais
- 8:45 a 9:00 h: Presentación
- 9:00 - 11:30 h: Descenso clasificatorio
- 12:00 - 14:30 h: Descenso final
- 15h00 - 15h30 h: Entrega de premios